

## SAKSUTGREIING

Aurland fjellstyre

Møtedato: 19.05.20

Stad: Fjordsenteret

### Sak 18/20

Hjorte og elgjakta i Nordheimdalen 2020-23, kontrakt med Aurland jakt og fiskelag.

#### Saksopplysning:

Aurland fjellstyre har allereie innvilga Aurland jakt og fiskelag sin søknad om å leige jakt i Nordheimsdalen i ny 4 års periode. Der vart det bestemt å innskrenka leigeperioden med nesten 2 månader, leige gjeld no frå 1. september til 31. oktober kun i jaktfelt 1 over høgdekurve 600 m.o.h.

Me hadde eit møte 14. mai på Fjordsenteret for å diskutera vilkåra i leigeavtalen. Tilstades på det møte var Harald Skjerdal, Sigurd Vikesland, Håkon Øydvin, Kjell Hov og Bjørn Ebne

Den siste leigeperioden har Aurland jakt og fiskelag teke ut 9 løyve, og med desse forutsetningane:

3. *For hjortejakta skal det betalast ei grunnavgift på kr. 2800 for vaksne dyr og kr. 1300 for kalv. Fellingsavifta kjem i tillegg. For felte dyr skal det betalast kr. 59 pr. kg. med utgangspunkt i følgjande gjennomsnittsvekter.*

Vaksen bukk	77 kg	(80 kg.)
Bukk 1,5 år	48 kg	(50 kg)
Vaksen kolle	55 kg	(55 kg)
Kolle 1,5 år	42 kg	(45 kg)
Kalv	22 kg	(22 kg.)

*I sluttoppgjeret for felte dyr vert grunnavgifta trekt frå,*

Så har dei hatt avtale om å få tilleggsøyve mot kun å betale for felte dyr.

Miljødirektoratet har bestemt att hjortestamma rundt Nordfjella sone 1 skal halverast frå 2016 nivå. Me er omtrent i mål men no peikar prognosane på ein oppgang i bestanden som me spesielt vil merke no frå 2020. I Aurland bestandsplanområde for hjort var det ein betydeleg nedgang i bestanden etter jakta og vinteren 2017-18, me fann mykje daudt i skogane. Mykje ungdyr, kalv og storbukk strauk med og kollene var utmagra og kasta kalven. Det ser me igjen i fellingsstala og sett hjort matriale. I 2019 var det eit rekordhøgt uttak av kalv i fellingsane, og den auken vil me sjå no i år og fordi det har vore ein mild vinter.

## SAKSUTGREIING

Aurland fjellstyre

Møtedato: 19.05.20

Stad: Fjordsenteret

Derfor er det viktig for Aurland fjellstyre å leggja til rette for eit høgt uttak i nokre år til. Når Aurland jakt og fiskelag leiger det beste terrenget i den mest attraktive perioden meiner me att dei bør ta ut fleire løyver. Forslaget er å påleggja dei å betala grunnavgift for 13 løyve og redusera prisen til 2000.- då blir totalprisen nesten lik som før. Kiloprisen for felte dyr har ikkje vore auka på 8 år og bør aukast i tråd med kostnadsauken.

Aurland jakt og fiskelag meinte i møtet att 9 dyr var passleg å ta ut utifrå bestanden, og att det var urimleg å auka prisen samtidig som ein nesten halverer jaktpersonen. Det kom fram att ordninga med å overta tilleggløyve vederlagsfritt og kun betala kilopris for felte dyr var ei god løysing som burde fortsetja og fellingane vil bli dei same. Det kom og fram att prisen på hjortejakta i Nordheimsdalen gjorde att dei hadde problem med å rekruttera nye til jaktlaget, fordi ungdomen ikkje har så mykje å rutta med.

Så kom det fram ynskje frå Aurland jakt og fiskelag om å få løyve på 2 elgar, det har vore eit løyve i mange år. Men avtale om å få fella to viss kyr og kalv kjem i lag. Eit siste ynskje var å få ein periode med jakt i jaktfelt 2 nedmed fjorden fyrste 14 dagane i november.

### Vurdering:

Det er viktig for Aurland fjellstyre å leggja til rette for auka avskyting i Nordheimsdalen nokre år til. Miljødirektoratet har bestemt å halvera stamma utifrå 2016-nivå. Me er kome langt, men no ser det ut som hjortestamma er aukande.

Aurland jakt og fiskelag leiger det beste jaktfeltet i den mest attraktive perioden, og vil dermed ha dei beste forutsetningane for å kunne auke fellingane i Nordheimsdalen. Dei har leigd jakta i Nordheimsdalen i svært lange tider og var lenge dei einaste som jakta der ute. Nye forskrifter kom tidleg på 2000 talet der fjellstyra vart pålagde å tilby jakt til utanbygdsbuande. Då vart det lyst ut eit jaktfelt nedmed fjorden som utanbygdsbuande kunne søkja på. Siste nye tilbodet til jegrane i Aurland kom i 2016, det var å kunna gå på dagskortjakt.

No er det bestemt att leigeperioden til Aurland jakt og fiskelag er nedkorta, og det er ikkje urimleg å forventa att ein då skal koma billegare ut i leiga. Dei slit med rekrutteringa til jaktlaget, det vert hevda att det er prisen på jakta som skremer ungdomen vekk. Men det kan og vera andre årsaker, ungdom vil helst vera med ungdom. Kanskje Aurland jakt og fiskelag må sjå på si framleige av jakta og leggja til rette for å gjera det meir attraktivt for ungdom å jakta i Nordheimsdalen.

Her kan kanskje Aurland fjellstyre og bidra med å tilby ungdom under 25 år som jaktar med Aurland jakt og fiskelag sitt jaktag gratis jakt, som eit rekrutteringstiltak slik me gjer på reinsjakt.

Viss me går ut frå att prisen på grunnavgifta vert sett ned til 2000.- så er det ikkje urimeleg å påleggje Aurland jakt og fiskelag å ta ut fleire enn 9 dyr. Alternativet er å korte endå meir ned på jakttida deira og sleppa eit jaktag til inn, i den mest attraktive perioden. Det kunne vore ei god løysing for å sprej jakta på fleire jegrar på statsalmenningane. Men forslaget på å påleggja Aurland jakt og fiskelag å ta ut 13 løyve til redusert pris bør vera ei akseptabel løysing.

## SAKSUTGREIING

Aurland fjellstyre

Møtedato: 19.05.20

Stad: Fjordsenteret

Grunnavgifta på kalv bør fjernast så lenge kravet om bestandsreduksjon vert helde oppe. Skyting av kalv går heller ikkje på kvote men ein bør bør betala kilopris for felte dyr.

Kiloprisen på felte dyr bør aukast, har vore uforandra i 8 år, og bør aukast til 63.- kg. Her vert grunnavgifta trekt frå ved sluttoppgjeret.

Moglegheita for tilleggsdyr bør vera der for jaktag som har fylt kvoten. Men ein må betala grunnavgifta før ein reiser ut på jakt.

Når det gjeld elgjakta så kan det godt henda att Aurland fjellstyre skulle ta ut 2 dyr, bakgrunnsarealet er der og elgen er der. Ein må i så fall avklara det med Aurland elgvall, der har Aurland fjellstyre gått inn med arealet sitt og i kvart jaktfelt der har ein eit fridyrsløyve. Det er Aurland hjorteutval ved leiar Sigurd Vikesland som i dag er valdansvarleg i Aurland elgvall. Viss ein vel å ta ut to løyve, så er det heller ikkje sjølv sagt att det er Aurland jakt og fiskelag som skal ha det. Både jaktlaget som leiger jaktfelt 2 nedmed fjorden og dagskortjegrane bør kanskje få moglegheit til å gå på elgjakt. Når det gjeld prisen på elgjakt bør grunnprisen aukast til 3000.- og kiloprisen på felte dyr bør verta lik hjorten på 63.- kr. kg.

Så kom Aurland jakt og fiskelag med eit innspel om å få jakta 14 dagar frå 1. november i jaktfelt 1 nedmed fjorden. Dette vart teke opp i sak 18/20, og vedteke å sleppa dagskortjegrane til i heile valdet etter 1. november. Aurland jakt og fiskelag har og høve til å søkja om dagskort, dermed har dei denne moglegheita.

### Forslag til vedtak:

-Aurland fjellstyre redusere prisen på grunnavgifta for hjortejakta i Nordheimsdalen til 2000.- kr pr. løyve, kiloprisen for felte dyr skal aukast til 63.- kr. kg. Grunnavgifta på elgløyve vert auka til 3000.-, med ein kilopris på felte dyr på 63.- kr.

-Aurland fjellstyre tilbyr ungdom under 25 år som jaktar med Aurland jakt og fiskelag sitt jaktag gratis jakt. For kvar ungdom som aktivt deltek i hjortejakta i Nordheimsdalen, skal Aurland jakt og fiskelag sleppa å betala grunnavgift, kun kiloprisen på 63.- kr. kg. pr. felte dyr.

-Aurland jakt og fiskelag vert pålagt å ta ut 13 hjort, dette skal inn i punkt 3 i leigeavtalen.

-Grunnavgifta på kalv vert fjerna så lenge kravet om bestandsreduksjon vert helde oppe. Skyting av kalv går heller ikkje på kvote men ein skal betala kilopris på kr. 63.- kr. for felte dyr.

-Det er høve til å søkja om tillegssdyr, men grunnavgifta må vera innbetalt før ein går ut på jakt.

-Aurland fjellstyre har arealet til det og ynskjer å ta ut 2 vaksne elg i Nordheimdalen. Dette må avklarast med Aurland hjorteutval som er styret i Aurland elgvall. Ekstraløyvet blir tilbydd som ei ekstra gulrot til dagskortjegrane.

Fjordsenteret 15. mai 2020

Håkon Øydvin  
Fjelloppsyn Aurland fjellstyre

Vedlegg: Leigeavtalen

**Leigeavtale om elg- og hjortejakt.**  
**mellan**  
**Aurland Fjellstyre 5745 Aurland som utleigar**  
**og**  
**Aurland jakt og fiskelag 5745 Aurland , som leigetakar**

er det inngått avtale om leige av hjortejakt på følgjande vilkår:

1. Avtalen gjeld leige av hjortejakt på Aurland nordre statsalmenning, gnr. 57/2 i Aurland kommune. Jaktfelt 2 over høgdekurva 600 m.o.h., frå 1.september til 31. oktober.
2. Leigeavtalen gjeld perioden 2020-2023.

Utleigar kan oppheva avtalen dersom leigetakar eller ein som nyttar retten til han, på ein vesentleg måte bryt vilkåra i avtalen eller i føresegner etter jaktlovgjevinga.

Leigetakar er sjølv ansvarleg for at dei som skal jakta på området har betalt dei fastsette avgifter og elles fyller dei krav viltlovgjevinga set.

Leigetakar pliktar å setja seg inn i lokale retningslinjer for Elg og hjortejakt i Aurland statsallmenning.

3. Det vert gjeve ein kvote på 13 frie løyve årleg i 4 års perioden .For hjortejakta skal det betalast ei grunnavgift på kr. 2000 for vaksne dyr. Fellingsavgifta kjem i tillegg. For felte dyr skal det betalast kr. 63.- kr pr. kg. med utgangspunkt i følgjande gjennomsnittsvekter.

Vaksen bukk	77 kg (80 kg.)
Bukk 1,5 år	48 kg (50 kg)
Vaksen kolle	55 kg (55 kg)
Kolle 1,5 år	42 kg (45 kg)
Kalv	22 kg (22 kg.)

I sluttoppgjeret for felte dyr vert grunnavgifta trekt frå.

For elgjakta skal det betalast ei grunnavgift på kr. 3000 på vaksne dyr, og kr. 1500 på kalv Fellingsavgifta kjem i tillegg. For felte dyr skal det betalast kr. 63 pr. kg. etter vektoppgåve attestert av jaktleiar. I sluttoppgjeret for felte dyr vert grunnavgifta trekt frå.

Grunnavgifta skal betalast innan 15 august etter påkrav. Dersom leiga ikkje vert betalt til rett tid, kan avtalen opphevast. Oversikt felte dyr skal sendast utleigar innan 5 dagar etter jaktslutt som grunnlag for sluttoppgjer.

4. Brot på viltlov, føresegner, lokale retningslinjer om Elg og hjortejakt i Aurland statsallmenning og leigekontrakt under jakta kan føra til at jaktretten etter denne

avtalen vert dregen attende sjå punkt 7. i lokale retningslinjer. Ved brot på ovannemde retningslinjer har jaktlaget ikkje rett på tilbakebetaling av grunnavgift.

5. Jakretten skal utnyttast ved at leigetakar sel jaktkort, innanbygdsbuande kan prioriterast.
6. Trekninga av kven som skal vera med i jaktlaget skal gjerast av styret i Aurland Jakt- og Fiskelag. Her skal ein fylgja offentleg lovverk sine retningslinjer for kunngjering med søknadsfrist, trekkinsdato og trekkinsresultat.  
Trekkingsresultata skal godkjennast av Aurland Fjellstyre før offentleggjering.

Leigetakar pliktar å opplysa att Miljødirektoratet er klageinstans ved tildeling av jaktrett, ein eventuell klage skal sendast gjennom Aurland fjellstyre.

Leigetakar skal sende liste over medlemar i jaktlaget og kopi av ettersøksavtale til uteigar før jakta tek til.

Inntektene av kortsalet skal nyttast til fremje av jakta, viltstelltiltak, oppsyn og naudsynt forvalting av jaktretten.

6. Melding om felte dyr skal snarast råd og seinast tre dagar etter felling gjevast til fylgjande for eventuell kontroll:

- Aurland fjellstyre 57633566 / 99567650  
E-post:[haakon.oydvin@fjellstylene.no](mailto:haakon.oydvin@fjellstylene.no)

Alle jaktlaga i Nordheimsdalen skal registrera aktiviteten sin på [www.settogsutt.no](http://www.settogsutt.no) der skal ein registrera kva ein ser og feller med slaktevekter.

Fellingstad skal avmerkast på kart som vert sendt til uteigar etter jaktslutt.  
Leigetakar er ansvarleg for at fellingsrapport vert send uteigar seinast 5 dagar etter jaktslutt.

7. Event. bruk av skogsbilvegane på naboeigedomen som tilkomst til jaktområdet skal avklarast med grunneigar.
8. Denne avtalen vert oppretta i to eksemplar, eitt til kvar av partane. Det jaktlaget som utøver jakta skal ha ein kopi av avtalen.

Som uteigar

Aurland den\_\_\_\_\_

for Aurland Fjellstyre

Som leigetakar

Aurland den\_\_\_\_\_

for Aurland Jakt og Fiskelag